

WANITA2 KETUA

DI-JEMPUT MENJADI PUTERI

BANDAR BRUNEI.—Persatuan Pandu Puteri Brunei akan mengalaukan kedatangan Jurulatih Pandu Puteri, Puan Wendy Bowden yang akan sampai di-sini dalam bulan August hadapan.

Puan Bowden akan berada disini sa-lama dua minggu kerana menguruskan kursus latehan bagi ketua2 pandu puteri dan pasukan2 brownie.

Dalam pada itu persatuan itu telah berchadang hendak menuahkan pasukan2 pandu puteri dan brownie lagi di-negeri ini sa-bagi menyambut permintaan bakal2 pandu puteri yang pada masa ini tidak mempunyai ketua.

Gadis2 dan wanita yang berumur lebuh dari 18 tahun ada-lah di-kehendakkan berkhidmat de-

JAWATAN2 DI-BRUNEI KOSONG

BANDAR BRUNEI.—Permohonan2 ada-lah di-jemput dari-pada pegawai2 kerajaan untuk memenohi beberapa kerja kosong di-pejabat2 Municipal, Bandar Brunei, Belait dan Tutong.

Kerja2 kosong itu ia-lah Municipal Inspector dan Building Inspector.

Kelayakan kerana memenohi jawatan Municipal Inspector itu ia-lah lulus darjah VII Sekolah Inggeris dan darjah V sekolah Melayu. Pemohon2 hendak-lah juga mempunyai pengalaman dalam segala segi kewajipan bandaran dan kerajaan tempatan.

Untuk memenohi jawatan building inspector itu pula pemohon2 hendak-lah juga mempunyai diploma dari Technical College, Kuala Lumpur atau diploma yang sa-rupa itu.

Sa-lain dari diploma technical college, pemohon2 kerana jawatan building inspector hendak-lah pandai berbahasa Melayu dan Inggeris dan telah mendapat pengalaman sa-lama enam tahun sa-bagi pengawas pembinaan bangunan.

Permohonan2 bagi kedua jawatan itu hendak-lah di-hantarkan kapada Setia Usaha, Jawatan Kuasa Perkhidmatan Awam, melalui ketua pejabat.

Bayaran atas bungkusan air mail

BANDAR BRUNEI.—Bayaran baharu kerana mengirim bungkusan dengan kapal terbang ka-Singapura dan Malaya telah di-umumkan dan di-kenakan mulai 1 haribulan ini.

Bayaran kerana sa-tengah paun pertama ia-lah \$2.00 dan bagi tiap2 sa-tengah paun lepas itu 90 sen.

ngan persatuan itu untuk mengasoh kanak2 perempuan yang ber rumor di-antara 9 dengan 17 tahun menjadi pandu puteri dan brownie.

Latehan itu akan di-jalankan pada awal bulan September.

Bayaran kerana latehan tidak

akan di-kenakan tetapi pelatah2 ada-lah di-minta membayar harga makanan jika tinggal dalam kawasan latehan.

Wanita dan gadis2 yang berchita2 hendak menjadi ketua pandu puteri itu ada-lah di-minta berhubung dengan Persatuan Pandu Puteri Brunei, c/o Puan Judith Fitton, Pejabat Perubatan Brunei, Bandar Brunei.



Duli Yang Maha Mulia kelihatan sedang menyerahkan panji2 pengakap kapada sa-orang wakil rombongan pengakap2 yang telah pergi ka-Manila mewakili Brunei baharu2 ini di-jamboree pengakap2 seluruh dunia.

ROMBONGAN PENGAKAP2 BRUNEI KEMBALI DARI MANILA

BANDAR BRUNEI.—Enam belas orang pengakap Brunei yang menghadiri jamboree pengakap seluruh dunia di-Manila telah balek ka-Brunei pada hujung bulan lepas dan sa-malam.

Tujuh orang telah sampai pada 28 July manakala yang lainnya di-ketuai oleh ketua rombongan tersebut, Inche Abdul Jalil bin Abdul Rahman telah sampai ka-Labuan dengan kapal terbang CPA sa-malam.

Rombangan kedua yang terdiri dari sembilan orang itu telah balek melalui Hongkong sa-telah tinggal beberapa hari di-Manila.

Sa-belum rombongan itu ber tolak ka-Manila pada 14 July, Duli Yang Maha Mulia telah bermurah hati menyampaikan panji2 pengakap Brunei untuk di-kibarkan di-perkhidmatan jamboree tersebut.

Jamboree itu berjalan sa-lama 10 hari dan telah di-tamatkan pada 26 July.

Pasokan Sandakan kalahkan Seria

SERIA.—Dalam satu pertandingan hockey Lembaga sukan Belait baharu2 ini Kuala Belait Recreation Club telah mengalahkan Shell Recreation Club, Seria dengan 3 gol tidak berbalas di-Padang Shell Recreation Club.

akan di-kenakan tetapi pelatah2 ada-lah di-minta membayar harga makanan jika tinggal dalam kawasan latehan.

Wanita dan gadis2 yang berchita2 hendak menjadi ketua pandu puteri itu ada-lah di-minta berhubung dengan Persatuan Pandu Puteri Brunei, c/o Puan Judith Fitton, Pejabat Perubatan Brunei, Bandar Brunei.

Keputusan peraduan bachaan Al-Koran

BANDAR BRUNEI—Keputusan peraduan baaan Koran peringkat akhir bagi seluruh Negeri Brunei yang telah di-adakan di-Mesjid Omar Ali Saifuddin di-sini pada hujong bulan sudah ada-lah saperti berikut:

Bahagian orang2 dewasa lelaki — pertama Mohammad Yussuf bin Abdul Latif dari Brunei, kedua Majidi bin Haji Mohammad dari Belait dan ketiga Zainal bin Tunggal dari Tutong.

Orang2 dewasa perempuan — pertama Mardhiah binte Haji Yasin dari Tutong, kedua Mariam binte Habib Ahmad dari Brunei dan ketiga Fatimah binte Haji Sha'ari dari Seria.

Kanak2 lelaki — pertama Shari bin Awang Hussain dari Brunei, kedua Abdul Majid bin Haji Abdul Rahim dari Temburong dan ketiga Ahmad bin Haji Suhaili.

Kanak2 perempuan — pertama Taibah binte Kuli dari Belait, kedua Hajjah Zainab binte Haji Salleh dari Brunei dan ketiga Masjidah binte Abang Ali dari Seria.

Majlis peraduan Koran yang di-adakan bagi merayakan sambutan tahun baharu Hijrah 1379 itu telah di-hadiri oleh ramai orang2 muslimin dan muslimat dari tiap2 daerah di-Brunei.

Antara hadhirin yang menyaksikan peraduan itu ia-lah Yang Teramat Mulia Duli Pengiran Bendahara, Yang Amat Mulia Pengiran Shahbandar, Kadhi Besar Brunei dan Yang Amat Mulia Pengiran Kema Indera.

Hadiyah2 kapada orang2 yang telah berjaya telah di-sampaikan oleh Pengiran Bendahara.

5 EKOR BUAYA HAMPIR MASOK RUMAH

SERIA.—Empat atau lima ekor buaya, panjangnya 16 atau 17 kaki telah kelihatan tidak beberapa kaki jauhnya dari sa-buah rumah di-sini baharu2 ini.

Puan Lau Ham Chung isteri sa-orang pekerja sharikat BSP telah melihat buaya2 tersebut lalu memanggil Tuan Cecil Dorrall supaya menembak binatang2 itu.

Tembakan itu tidak berjaya dan buaya itu telah mengelomong turun dari parit dekat rumah Puan Lau balek ka-sungai.

PEJABAT ELECTRIC BRUNEI MASEH DI-PERKEMBANGKAN

Harapan semua kampong2 kecil mendapat bekalan electric

Dari permulaan yang kecil dengan mempunyai dua buah generator yang bertenaga 40 kilowat sa-buah, Pejabat Electric Brunei telah menempoh perkembangan lebih dari 36 kali ganda dalam masa 25 tahun.

Sekarang tenaga electric yang di-keluarkan oleh generator2 pejabat itu berjumlah 2,778 kilowat dari tujuh buah generator besar yang satu2nya mengeluarkan tenaga dari 150 hingga 884 kilowat.

Tidak semua generator itu digunakan pada sa-panjang masa. Walau bagaimana banyak tenaga electric dikehendaki pada susulan masa, sa-buah generator adalah di-asingkat untuk menyambung kechemasan seperti kerosakan yang tidak di-sangka.

Sa-kurang2nya sa-buah generator yang mengeluarkan tenaga 884 kilowat ada-lah sentiasa ditugaskan kerana kepentingan itu siang dan malam.

Perkembangan Pejabat Electric Brunei itu telah berjalan dari tahun 1934 ia-itu semenjak dua buah generator kecil yang disebutkan di-atas tadi di-pasang di-Bandar Brunei.

Generator2 itu di-khaskan untuk memberi bekalan electric di-Residency dan Istana, kata Jurutera Electric Negeri, Tuan S. Rajaratnam.

Bekalan electric itu dengan perlahan2 di-sampaikan kapada pejabat kerajaan dan rumah2 kerajaan. Akhirnya rumah2 orang ramai pula mendapat bekalan electric.

Tenaga electric di-Bandar Brunei mungkin di-tambah lagi dalam tahun hadapan. Ini adalah untuk menyambut keperluan rumah sakit baharu yang sedang di-ranchangkan itu.

Apabila rumah sakit besar yang berharga \$9 juta itu siap kelak ia akan berkehendakkan tenaga electric yang besar pula dan generator yang akan mengeluarkan 2,000 kilowat lagi mungkin di-pasang di-Bandar ini.

Pusat electric di-Bandar Brunei bukan dihaskan untuk membelakangkan rumah2 dalam kawasan bandar sahaja dengan electric. Tenaga electric itu sedang di-salorkan ka-kampong2 melalui cable2, atau kawat di-bawah tanah.

Sekarang kampong yang sa-jauh tujuh batu dari Bandar di-Jalan Muara dan Jalan Tutong telah pun membuangkan lampu2 minyak-nya dan mula mendapat bekalan electric.

Untuk menjamin supaya tenaga electric itu tidak berkurangan oleh sebab jauh dari pusat beberapa buah transformer telah dibina di-tempat2 yang ditentukan.

Transformer itu ia-lah sa-jenis jentera yang menguatkan sa-mula tenaga electric yang telah le-

mah oleh sebab terlalu jauh disalorkan dari pusat.

Sunggoh pun demikian tenaga electric yang di-salorkan dari pusat electric di-Bandar Brunei itu hanya boleh di-sampaikan ka-kampong2 yang sakian jauh-nya dari pusat.

Untuk menjamin supaya kampong2 yang terpencil sama mendapat kemudahan electric, pejabat itu telah menchadangkan supaya beberapa buah jentera electric yang berjalan dengan sendiri-nya di-pasang di-kampong2.


Jentera itu di-namakan "unattended power station" atau pusat electric yang tidak di-jaga. Dua buah unattended power station akan di-dirikan sa-belum hujung tahun ini, satu di-Temburong dan satu lagi di-Tutong.

Temburong dan Tutong telah pun mendapat bekalan electric


(Lihat muka 8)



Di-atas, beberapa buah transformer telah di-dirikan di-tepi2 jalan yang menghubungkan pusat electric Bandar Brunei dengan kampong2. Transformer2 itu ia-lah untuk menguatkan tenaga electric. Gambar di-bawah, ini menujukkan pekerja2 Pejabat Electric Brunei menggali parit supaya cable atau kawat electric di-bawah tanah itu dapat di-tanamkan kelak.



Pusat electric Bandar Brunei sedang di-perbesarkan untuk menyambut perkembangan electric



Atas : Pemandangan dalam power station. Pekerja2 sedang giat menjalankan tugas masing. Kanan : Sa-buah generator besar.

PELITA BRUNEI

Bandar Brunei

RABU, 5 AUGUST, 1959.

PERTADBIRAN DI-TANGAN RA'AYAT

Sa-beum penghujung bulan September yang akan datang ini Duli Yang Maha Mulia ada-lah di-jangka mengishtiharkan bentuk perlembagaan baharu Negeri Brunei yang telah di-rangka di-sini berikutan dengan keputusan2 yang di-chapai dalam perundungan perlembagaan yang di-adakan di-London antara rombongan perlembagaan Brunei yang di-ketuai oleh baginda sendiri dan wakil2 Kerajaan British.

Harapan bahawa perlembagaan itu akan di-kuatkuasakan dalam tahun ini terbit dari pemashhoran bersama yang di-umumkan di-London sa-telah rundingan yang berjalan hampir dua minggu itu tamat pada 6 April lepas. Pemashhoran itu menegaskan bahawa perlembagaan itu akan di-ishtiharkan dan di-kuatkuasakan dalam masa enam bulan dari 1 April.

Perlombagaan itu ada-lah di-rangka kerana kebahagian dan kesempurnaan negeri dan ra'ayat dan untuk menchapai chita2 suchi murni itu Duli Yang Maha Mulia dalam majlis2 jamuan yang di-adakan kerana menyambut kejayaan rombongan perlembagaan itu sentiasa mengingatkan ra'ayat bahawa mereka akan terpaksa memikul tanggong jawab yang lebeh berat kerana sa-baik sahaja perlembagaan itu di-kuatkuasakan pertadbiran negeri akan di-serahkan kepada anak negeri kechualui hal ahwal pertahanan dan perhubungan dengan negeri2 luar yang akan di-selenggarakan oleh wakil kerajaan British yang di-gelar High Commissioner atau Pesuruh Jaya Tinggi. Beliau akan bertempat di Brunei tetapi tidak berkuasa champion dalam perjalanan pertadbiran negeri.

Beberapa buah majlis2 perwakilan akan di-tubohkan kelak. Majlis Meshuarat Negeri yang akan mengandungi lebih ramai ahli2 yang di-pileh oleh ra'ayat melalui pilihan2 raya Majlis2 Meshuarat Daerah.

Majlis Meshuarat Negeri itu akan di-beri tugas membuat undang2 menetapkan chukai dan meluluskan perbelanjaan negeri kerana kebahagian ra'ayat. Ini berma'ana nasib ra'ayat bagi massa yang akan datang akan terpu lang kepada ra'ayat sendiri menyelenggarakan-nya mengikut kebijaksanaan ra'ayat memileh wakil2 mereka yang akan menduduki kerusi2 majlis itu.

Dan bagi menerangkan kepada ra'ayat kelak akan kuasa2 ra'ayat memileh wakil2 mereka itu bebe pare orang pegawai2 pertadbiran negeri akan di-hantar ka-Tanah Melayu tidak lama lagi untuk merhatikan pilihan raya negeri Persekutuan Tanah Melayu.

PERHUBONGAN SEJAK KURUN 15

Duli Yang Maha Mulia dalam uchapan2 baginda telah menegaskan bahawa perhubongan Brunei dengan Malaya itu bukan-nya sebutan2 mulut yang baharu di-zahirkan sa-hari dua dan bukan-nya sa-tahun dua.

Perhubongan itu telah berkurun lama-nya dari pemerintahan Awang Alak Betatar, Raja yang menguasai Negeri Brunei pada awal kurun yang kelima belas.

Baginda telah menjalin perhubongan persaudaraan dengan Malaya berikutan dengan perlayaran baginda ka-Melaka ti-dak lama sa-telah menaiki takhta kerajaan Negeri Brunei.

Tujuan baginda berangkat ka-Melaka itu ia-lah hendak memileh sa-orang isteri. Akhirnya baginda telah berkahwin dengan sa-orang puteri Ratu Melaka.

Mengikut sejarah Brunei, karangan Yura Halim Jamil Umar baginda telah berangkat balek ka-Brunei dengan mendapat gelaran Sultan Mohammad yang pertama dari pada Ratu Melaka, Sultan Mohammad Shah.

Sa-bagai menghormati perangkatan Sultan Mohammad balek ka-Brunei Sultan Melaka telah memerentahkan supaya 40 orang Melaka mengiringkan puteri baginda ka-Brunei.

Apabila sampai di-Brunei orang2 Melaka itu telah di-beri rumah dan di-tempatkan di-sabuah kampong yang di-namakan Kampong Burong Pinggi.

Nyata-lah dari sejarah bahawa bukan sahaja Brunei mempunyai perhubongan persaudaraan yang rapat dengan Melaya tetapi kedua buah negeri itu mempunyai ugama yang sama.

Sultan Mohammad Shah atau Permaisura ia-lah Raja Melaka yang pertama memelok ugama Islam dan bagi Awang Alak Betatar mendapat gelara Sultan Mohammad yang pertama daripada Sultan Melaka ada-lah jelas bahawa Raja Brunei itu telah juga memelok ugama Islam.

Tetapi perhubongan Brunei dengan Melaka ada-lah sa-chara persahabatan antara keluarga sahaja. Perhubongan itu telah berjalan dengan rukun dan damai.

Yura Halim Jamil Umar menerangkan lagi dalam Sejarah Brunei bahawa persahabatan Brunei dengan Melaka itu telah dapat di-saksikan beberapa tahun kemudian dalam pemerintahan Sultan Sharif Ali. Sultan Brunei yang ketiga.

Baginda memerentah kira2 dalam pertengahan kurun yang kelima belas.

Dalam pemerintahan Sultan

Sharif Ali suatu angkatan dari Melaka ka-Benua China telah bias ka-Brunei di-sebabkan oleh angin besar.

Angkatan Melaka itu di-ke-tuai oleh Tun Telanai dan Menteri Jana Putera. Mereka telah naik ka-darat lalu mengadap Sultan Brunei menyembah hal pelayaran mereka.

Peri baik-nya perasaan muhibbah di-antara Brunei dengan Melaka pada zaman itu ada-lah terchatet dalam sejarah Melayu.

Sultan Brunei yang di-kenal di-Melaka dengan nama Sang Aji Brunei itu telah berseloka dengan Menteri Jana Putera dan Tun Telanai dalam perte-muan itu saperti berikut :

"Telah di-dengar oleh Sang Aji Brunei, maka di-suroh-nya panggil oleh baginda. Maka Tun Telanai dan Menteri Jana Putera pun datang mengadap Raja Brunei.

"Maka kata Raja Brunei pada Menteri Jana Putera, 'Apa bunyi surat Raja Melaka pada Raja China?'. Maka sembah Tun Telanai, 'Sambah sahaya Raja Melaka, datang kapada paduka ayahanda Raja China.'

"Maka kata Raja Brunei, 'Berkirim sembah-kah Raja Melaka pada Raja China?'. Maka Tun Telanai pun diam. Maka Menteri Jana Putera berkisar ka-hadapan, sembahnya :

"Tiada tuan paduka ayah-

anda berkirim sembah kapada Raja China, kerana erti sahaya itu kapada bahasa Melayu "hamba" maka di-buboh sembah sahaya Raja Melaka, ya ni patek sakalian yang berki rim sembah itu bukan-nya pada-duka ayahanda.

"Telah datang musim akan pulang maka Tun Telanai dan Menteri Jana Putera pun ber-mohon-lah pada Sang Aji Brunei hendak kembali ka-Melaka. Maka Raja Brunei pun berki rim surat ka-Melaka.

"Sa-telah itu maka Tun Te lanai dengan Menteri Jana Putera pun kembali-lah. Telah sampai ka-Melaka, maka surat dari Raja Brunei itu di-persembahkan kapada Sultan Mansor Shah dan segala peri hal ahwal semua-nya di-kata kan-nya.

"Maka terlalu sukachita ba ginda mendengar dia".

Ada-lah juga di-katakan da lam setangah2 sejarah bahawa Brunei akhirnya membayar ofti kapada Melaka sa-telah Kerajaan Majapahit jatoh.

Sunggoh pun Kerajaan Melaka pada masa itu besar dan kembang tetapi tia da-lah di-dapat bukti yang boleh membentarkan bahawa Brunei pernah menjadi jajahan itu.

Sejarah tidak menyebut per hubongan Brunei dengan Melaka lagi melainkan dalam kurun yang kedua puloh ini apabila keluarga diraja Brunei mengadakan perhubongan persaudaraan lagi dengan keluarga diraja Mala ya.



Di atas : Makam Sultan Bolkiah atau Nakhoda Ragam, Sultan Brunei yang kelima dalam zaman gemilang kira2 5 kurun dahulu yang telah di-jahanamkan oleh orang2 Sepanyol dalam Perang Kestela dalam T.M. 1576. Makam ini di-jaga dan dibersehkan dan di kunjungi ra'ayat sa-tiap hari.

Kaum China mengambil berat dalam hal ekonomi

KUALA BELAIT. — Kejayaan rombongan perlombongan dalam perundungan perlombongan yang di-adakan di-London dalam bulan March dan April yang lalu telah di-alu2kan oleh kaum China daerah Belait/Seria dalam satu majlis jamuan makan malam di-sini pada malam Ahad lepas.

Duli Yang Maha Mulia ketua rombongan tersebut telah berangkat ka-Kuala Belait kerana hadir dalam majlis tersebut.

Baginda telah di-iringi oleh pembesar2 negeri dari Bandar Brunei termasok Yang Teramat Mulia Duli2 Wazir dan British Resident, Yang Berhormat Tuan D.C. White.

Kaum China itu telah juga menguchapkan keshukoran mereka atas kurnian bintang2 kebesaran Tanah Melayu kapada baginda.

Dalam uchapan keshukoran Pengerusi Dewan Perniagaan China, Belait telah mengambil kesempatan menyampaikan ikrar ta'at setia kaum China kepada Duli Yang Maha Mulia dan Negeri Brunei.

Duli Yang Maha Mulia telah membalas uchapan itu sa-chara rengkas.

Di-antara lain2 baginda bertitah :—

Orang2 China di-Negeri Brunei ini terutama di-Daerah Belait dan Seria ada-lah sangat2 mengambil berat dalam hal pekerjaan.

"Kemajuan dan kejayaan tuan2 dalam lapangan tersebut ada-lah menjadi bukti, yang mana tuan2 telah dapat memberi bantuan kerjasama bagi memajukan Negeri Brunei ini.

"Saya perchaya tuan2 sentiasa berada dalam kesejahteraan dan keamanan dan mendapat layanan yang memuaskan dari Kerajaan Brunei sa-bagai yang tuan2 akui, bahawa sungoh pun tuan2 maseh merasa sa-bagai bangsa asing tetapi tuan2 menganggap Brunei ini sa-bagai Tanah Ayer tuan2 sendiri.

"Saya penoh keperchayaan bahawa Kerajaan Brunei akan sentiasa bertimbang rasa kapada semua pendudok2 yang ta'at setia

Ra'ayat akan di-banchi

BANDAR BRUNEI. — Banchi pendudok2 negeri ini akan di-adakan dalam tahun hadapan. Banchi pendudok2 yang akhir diambil ia-lah dalam tahun 1947.

Banchi itu akan menyatakan jumlah pendudok2 negeri dan akan menyatakan apa-kah bangsa2 yang menduduki sa-suatu daerah.

Pekerjaan akan juga di-terangkan, demikian juga chorak perusahaan2 yang di-jalankan di-satu daerah.

Sa-lain dari itu jumlah rumah akan di-ketahui dan juga bilangan orang2 yang tinggal semesta di-negeri ini.

reka dengan sa-chara ikhlas dan jujor.

"Dengan ada-nya perasaan saling mengerti dari segala bangsa dan pendudok yang ta'at setia di-Negeri Brunei ini, mudah2an dengan izin Allah Subhanahu Wata'ala, keamanan dan kemakmoran Negeri ini akan bertambah2 lagi dan rayaat seluruhnya akan sentiasa hidup bahagia.

Baginda berharap mog a2 Negeri Brunei yang kecil ini akan kekal dengan gelaran-nya Darus-salam serta dengan ra'ayat yang patoh dan jujor, supaya, terhindar sakalian pedudok2nya dari anasir2 yang merachun keamanan.

biar apa bangsa sa-kali pun.

Sa-lanjutnya baginda berkata :—

"Saya berharap orang2 China yang penoh faham akan maksud baik kerajaan itu akan terus bergiatan dan memberi kerjasama me-

KERABAT DIRAJA BELAIT-SERIA RAIKAN AHLI2 ROMBONGAN

KUALA BELAIT. — Duli Yang Maha Mulia telah mengingatkan ra'ayat negeri ini supaya chinta pada tanah ayer dan bangsa untuk mendapatkan kebahagian dan kesentosaan.

Ini telah di-uchapkan oleh baginda dalam majlis jamuan teh yang di-adakan oleh kerabat2 Diraja di-Kuala Belait pada petang sabtu lepas sa-bagai menguchapkan keshukoran mereka atas kejayaan rombongan perlombongan dalam perundungan di-London dalam bulan March dan April lepas, dan kurnian bintang2 kebesaran Tanah Melayu kapada

akan sentiasa menyertai keikhlasan dan kebenaran kita.

Pengiran2 sakalian ada-lah juga menjadi gulongan ra'ayat yang penoh ta'at dan menchintai Negeri Brunei ini, maka ada-lah kewajipan ra'ayat sakalian memilihara kebahagian dan kemulian hak ra'ayat.

"Ini berma'ana-lah bahawa tanggong jawab ra'ayat sakalian bertambah berat dan terpaksa tanggong jawab diri masing2 terhadap bangsa dan tanah ayer-nya.

"Jika tidak dengan demikian hilang-lah rasa kaseh sayang ter-



Pengiran Puteh kelihatan memberi uchapan dalam jamuan itu.

baginda.

Antara lain2 baginda berucap :

"Kejayaan yang telah di-dapat oleh rombongan itu ada-lah kejayaan ra'ayat Negeri Brunei, dengan sebab itu segala tahniah ia-itu tanah ayer dan bangsa, Pengiran2 sakalian hendaknya sedar, bahawa zaman ini bukanlah zaman yang di-kuasai oleh sesuatu yang sa-mata2 kuat ditangan dan tegap di-badan tapi zaman ini ia-lah zaman kemajuan dan kesedaran yang di-badan oleh otak yang sehat, oleh tangan yang lemah lembut dan oleh kelakuan, sopan santun, dan tutor kata serta budi bahasa yang baik."

"Dengan berhasil-nya perundungan dan apabila terbentuk perlombongan Negeri Brunei, negeri tuan2 sakalian ini, ada-lah berma'ana kebahagian dan kesentosaan bagi ra'ayat sakalian."

"Terima-lah kejayaan itu dengan ikhlas dan shukor, mudah2an Allah Subhanahu Wataala

hadap yang di-chintai, kata orang, "Sebab ta' kenal maka ta' chinta".

Untuk mengenali kewajipan diri masing2 supaya dapat menchintai yang di-kasehi, ia-itu tanah ayer dan bangsa, Pengiran2 sakalian hendaknya sedar, bahawa zaman ini bukanlah zaman yang di-kuasai oleh sesuatu yang sa-mata2 kuat ditangan dan tegap di-badan tapi zaman ini ia-lah zaman kemajuan dan kesedaran yang di-badan oleh otak yang sehat, oleh tangan yang lemah lembut dan oleh kelakuan, sopan santun, dan tutor kata serta budi bahasa yang baik."

PENDERMA2 DARAH DI-RUMAH SAKIT

BANDAR BRUNEI. — Penderma2 darah sama ada dari bangsa Melayu, China, Indian dan Eropah ada-lah sangat2 di-kehendaki oleh rumah sakit Brunei kerana hendak memberi darah kepada orang2 yang menghidap penyakit dada yang akan di-belah tidak lama lagi.

Satu rombongan yang terdiri dari tujuh orang paker2 penyakit dada yang di-ketuai oleh sa-orang doktor belah dari Melbourne, Australia telah di-jemput datang ka-sini oleh Kerajaan untuk membela orang2 yang menghidap penyakit tersebut.

Mereka itu di-jangka sampai di-sini pada 22 hari-bulan ini kerana menjalankan pembelahan2 itu.

Jika pembelahan itu hendak berjaya darah ada-lah di-kehendaki untuk mengantikan darah orang2 yang akan di-belah itu.

Pada masa ini simpanan darah di-rumah sakit sangat kurang untuk menemui kechemasan, kata sa-orang juruchakap Pejabat Perubatan Brunei.

Pegawai2 menjadi pemerhati

BANDAR BRUNEI. — Delapan orang pegawai2 kerajaan Brunei akan berlepas ka-Malaya tidak lama untuk memerhatikan chara2 Tanah Melau menjalankan pilehan raya dalam bulan August.

Mereka itu akan tinggal di-Kuala Lumpur beberapa hari dan akan di-beri kesempatan melawat kawasan2 pilehan raya Persekutuan Tanah Melayu.

Pegawai2 yang akan pergi itu di-Ketuai oleh Yang Berhormat Pengiran Abu Bakar, Penolong Resident Belait.

Ahli rombongan itu terdiri dari :—

Tuan McAfee, Pengiran Mohamad Pegawai Daerah Belait, Pengiran Puteh, Penolong Pegawai Penerangan, Inche Salleh Kadir, Penolong Pegawai Penerangan, Yang Berhormat Pengiran Ahmad, Pegawai Daerah Temburong, Inche Abdul Manan dari Tutong dan Inche Jamil bin Pejin Udana Khatib, Pejabat Pelajaran Brunei.

Melayu jauh tertinggal dalam kekayaan bahasa

BANDAR BRUNEI. — Dewan Bahasa dan Pustaka Tanah Melayu telah membuat chogan-nya, "Bahasa Jiwa Bangsa". Ini harus telah di-petek dari keindahn pepatah bahasa orang tua2, "Bahasa menunjukkan Bangsa."

Bahasa jiwa bangsa bukan-lah sa-kadar bererti bahawa ia akan menjadi ukuran tinggi rendah darjah sa-satu bangsa itu, malah maksud chogan ada-lah lebih dalam dan lebar dari pengertian yang saya katakan.

Bahasa itu ada-lah gambaran dari jiwa akal dan ikhlah sa-satu bangsa sebab bahasa itu adalah himpuan dari kata2 yang membayangkan segala macham perasaan yang pernah di-alami oleh jiwa sa-satu bangsa sama ada fikiran yang terlintas dalam akal atau segala jenis pendapat yang di-dapati dalam kehidupan.

Sa-tengah ahli bahasa pula memperkatakan bahawa bahasa itu "akal sa-satu bangsa."

Jika hendak mengetahui mutu jiwa sa-satu bangsa itu, ia-itu sama ada sempit atau luas akalnya, dalam atau tengkal pengalaman hidup-nya, halus atau kasar ikhlah-nya, dapat-lah di-ukorkan dari khazanah2 kata penuturan yang di-gunakan oleh bangsa itu.

Dengan jalan menatap kamus2 yang di-punyai oleh bangsa itu, dapat-lah kita mengukur akal dan ikhlah mereka.

Segala gambaran yang terdapat dalam kamus sa-satu bangsa itu kelak, menjadi ukuran sama ada bangsa itu sudah mempunyai jaminan akal yang besar atau tidak, kerana akal dan fikiran itu ada-lah pendapat dari permerasan otak yang telah di-daptati dari fikiran itu.

Jika bangsa itu dapat berfikir dengan luas dan tepat, itu adalah menunjukkan bahawa bangsa itu telah kaya dengan bahasa-nya.

Sa-lanjut-nya dari penuturan kata2 bahasa juga dapat di-kenal sikap keistimewaan sa-satu bangsa.

Perkataan "kinrohoshi" dalam bahasa Jepun dan "bergotong ropong" dalam bahasa Indonesia memberi maana bahawa bangsa itu sentiasa bekerja sama dan bantu membantu dalam segala lapangan.

Perkataan "tidakkan Melayu hilang di-dunia" yang pernah di-uchapkan oleh hulubalang Melaka ia-itu Laksamana Hang Tuah juga merupakan bahawa bangsa Melayu akan hidup sa-lama2-nya.

Demikian juga dengan kata2 "pantang anak Melayu derhaka" yang pernah di-uchapkan oleh Bendahara Melaka dapat-lah diterikan bahawa bangsa Melayu itu sentiasa ta'tat dan patoh dalam adat isitiadat beraja.

Sa-terus-nya jika kita buka lambaran sejarah bahasa2 dunia, yang kaya dengan filasafah2 bahasa ia-lah bangsa Greek dan pe-

nyaer yang tertua sa-kali berasal dari bangsa Arab.

Kita bangsa Melayu tidak me-nagakui bahawa bangsa kita telah kaya dengan bahasa-nya. Orang luar dapat mengukur dengan se-nang bahawa bangsa Melayu maseh jauh tertinggal, lagi dalam sa-genap jurusan, baik ilmu pengetahuan atau kepadaan manusia dalam zaman moden ini.

Kalau dari bahasa dapat di-ukur tinggi rendah jiwa sa-satu bangsa, maka dari bahasa juga dapat di-ukur peribadi-nya, baik jiwa sa-orang penyaer atau sa-orang sasterawan.

Gaya tulisan sa-saorang pengarang itu ada-lah mengikut lagu jiwa-nya di-kala ia mengarang. Segala mudzo' karangan-nya akan di-pileh oleh jiwa-nya agar bersesuaian dengan apa-kah nanti isi tulisan kerana segala isi karangan-nya itu-lah yang akan menggambarkan warna peribadi-nya. — M. Samsinah.

Orang tua pengsan di-jalan

SERIA. — Sa-orang Indian, Manikum berumur 60 tahun telah pengsan di-jalan di-sini pada 28 July dan telah mati sa-belum sempat di-bawa ka-rumah sakit.

Penyiasatan atas kematian itu akan di-adakan.

Benchana dari jodoh yang tidak sa-suai

BANDAR BRUNEI. — Biar mati anak jangan mati adat. Tetapi dengan perubahan zaman adat ibu bapa mencharikan jodoh anak-nya itu pada masa ini terpulang kapada anak2 itu sendiri.

Sunggoh pun ada ibu bapa yang maseh perpegang kuat pada keistimewaan mereka memilihkan jodoh anak-nya tetapi kebanyak-an-nya telah menyedari bahawa pilehan itu berkesudahan dengan kochar kachir.

Mereka telah menukar adat itu dan membentarkan anak2 memilih jodoh untuk di-persetujukan oleh ibu bapa.

Memilih jodoh sendiri tidak sa-mesti-nya selamat dan sempurna. Ada kalanya pilehan itu menjadi korban dengki dan permusuhan.

Untuk menjauhi benchana ini ibu bapa perlu dibawa berunding supaya jangan terpengaroh oleh kata2 "di-mana ada chinta di-situ-lah ada bahagia."

"Chinta itu buta" tetapi biar-lah buta mata jangan buta akal sa-hingga tidak mahu mendapatkan nasihat dan tidak mahu berunding dengan ibu bapa.

Dari kata2 orang tua2 yang di atas itu ada-lah jelas bahawa keselamatan dan hidup suami isteri itu ber-gantong kapada muafakat dan bersafamahan.

WANITA JUGA BERBAKAT DALAM ILMU MENGARANG

(Oleh MALA MAS)

BANDAR BRUNEI. — Tuduhan bahawa kaum wanita lemah dan sanggup di-cherok dapor sa-haja adalah di-nafikan oleh wanita yang chintakan kemajuan dan memuliakna kebolehan serta darjat ketinggian taraf wanita.

Pada masa ini kaum wanita sama berkebolehan dengan kaum laki2 sama ada dalam pelajaran, sains, sosial dan sa-bagai-nya.

Tetapi maseh ada lagi kekurangan yang besar bagi kaum wanita ia-itu dari segi kesusteraan. Kekurangan itu mungkin lenyap tidak lama lagi sama-lah seperti lenyap-nya anggapan terhadap kerendahan kaum wanita di-zaman jahiliah dahulu.

Jika di-bandingkan dengan kemajuan yang telah di-chapai oleh kaum laki2 kaum wanita maseh ketinggalan jauh di-belakang dalam jurusan karang mengarang.

Di-Brunei ini belum ada lagi wanita yang menjadi pengarang yang dapat memberikan hasil ciptaan-nya saperti pengarang2 wanita bangsa asing.

Untuk mencapai kejayaan dalam lapangan tersebut kita mesti menjauhkan rasa putus harap dalam berusaha mengarang walau pun banyak karangan2 kita itu tidak di-hargai orang.

Jika kita tekun mengarang kajayaan akan tercapai kerana "bulat ta'kan datang bergolek dan nipis ta'kan datang melanyang" dan jangan-lah pula lekas lemah kerana bidasan2 orang.

Bidasan2 itu memberi ma'ana bahawa karangan perchubaan itu telah mendapat perhatian dan hendak-lah di-terima dengan ikhlas dan di-jadikan perangsang.

Kaum wanita hendak-lah juga menolak tuduhan2 bahawa wanita tidak berbakat untuk mengarang. Bukti-nya telah ada bahawa wanita juga ada kebolehan mengarang.

Di-Sepanyol kaum wanita-lah yang meninggikan taraf kesusteraan bangsa-nya. Pengarang2 wanita telah beberapa kali mendapat hadiah kerana karangan2 yang di-keluarkan di-negeri tersebut.

Dalam tahun 1944 mithal-nya, Carem Laforet telah merebut hadiah pengarang dengan buku-nya "Nathing Nada" dan dalam tahun 1950 pula hadiah itu di-me-nangi oleh Eleno Qurioga dengan buku-nya "Angin dari Utara".

Sa-lain daripada pengarang wanita ini ramai lagi pengarang2 wanita yang mashhor yang terkenal dengan persajakan, novel, roman dan sandiwara kanak2.



Puan Innei Sibidol

Pasokan Brunei pechahkan tiga rekod sukan tiga kawasan

KUCHING. — Tiga rekod baharu telah di-buat oleh ahli2 pasokan sukan Brunei yang mengambil bahagian dalam sukan seluruh kawasan Borneo British yang di-adakan di-sini baharu2 ini.

Rekod2 baharu itu ia-lah dalam pertandingan membaling piring besi dan membaling lembing bahagian laki2. Satu rekod lagi ia-itu dalam pertandingan membaling piring besi bahagian wanita telah di-pechahkan oleh Innie Sibidol.

Borneo Utara telah sa-kali lagi menjadi johan dalam pertandingan sukan tersebut. Sarawak telah menjadi naib johan dan ditutur oleh Negeri Brunei yang hanya mendapat 32 mata sahaja.

Gabnor Negeri Sarawak, Sir Anthony Abell telah membuka pertandingan sukan itu di-hadapan ramai para pemain dan permat2 sukan.

Borneo Utara telah mendapat 74½ mata, ia-itu 49½ mata bahagian laki2 dan 25 mata bahagian perempuan.

Sarawak telah mendapat 46½ mata, ia-itu 30½ mata bahagian laki2 dan 16 mata bahagian perempuan.

Mata yang di-dapati oleh Negeri Brunei ia-lah 22 mata bahagian laki2 dan 10 mata bahagian perempuan.

Dalam pertandingan membaling piring besi, A. Sibidol telah membaling sa-jauh 115 kaki 3 inci, ia-itu mengatasi rekod Borneo British yang lama sa-jauh 112 kaki 4 inci yang di-buat oleh Sibidol sendiri.

Dalam pertandingan membaling lembing, A. Sibidol telah membaling sa-jauh 169 kaki 5 inci, manakala rekod Borneo British yang lama, di-lakukan oleh Sibidol sendiri ia-lah sa-jauh 165 kaki 9 inci.

Innie Sibidol, anak perempuan A. Sibidol telah berjaya mengatasi rekod-nya yang lama ia-lah dalam pertandingan membaling piring besi. Innie telah membaling sa-jauh 92 kaki 7 inci dan rekod-nya yang lama ia-lah 87 kaki 6 inci.

Kesemua-nya 12 rekod yang baharu telah dapat di-atasi dalam pertandingan sukan seluruh Borneo British di-Kuching itu. Borneo Utara telah membuat 8 rekod baharu, ia-itu 5 rekod bahagian laki2 dan 3 rekod bahagian perempuan. Negeri Brunei 3 rekod, ia-itu 2 rekod bahagian laki2 dan 1 rekod bahagian perempuan.

Sarawak telah hanya dapat membuat satu rekod baharu, oleh Leong Chin Hin dalam pertandingan lompat tinggi bahagian laki2.

Leong telah melompat sa-tinggi 6 kaki, mengatasi rekod lama 5 kaki 10 inci yang di-buat oleh T. K. Lim dari Borneo Utara.

Hadiyah2 kapada pemenang2 dalam pertandingan itu telah disampaikan oleh Sir Anthiny dalam satu majlis jamuan yang di-adakan di-Astana pada malam 25 July.

26 PASOKAN SENAMAN DAERAH BERTANDING

BANDAR BRUNEI. — Dua puloh enam pasokan murid2 sekolah2 Melayu di-jangka akan mengambil bahagian dalam perlawan senaman dan permainan bagi sekolah2 Melayu di-daerah Brunei dan kawasan Bandar Brunei.

Perduan tersebut akan di-adakan di-padang besar di-sini pada 11 haribulan akan datang, untuk memileh johan2 daerah kerana mengambil bahagian dalam perlawan senaman dan permainan seluroh negeri.

Pertandingan senaman dan permainan sekolah2 seluruh Negeri Brunei itu akan di-adakan pada akhir bulan September tahun ini.

Peraduan antara sekolah2 di-daerah Brunei itu akan di-buka dengan pertunjukan senaman pada sa-belah pagi dan sukan pada sa-belah petang.

Antara pasokan2 yang mengambil bahagian itu sekolah2 perempuan akan mengemukakan

enam pasokan. Pasokan2 itu terdiri dari murid2 sekolah2 Melayu Raja Isteri Fatimah, Sekolah Melayu Berakas, Sekolah Melayu Gadong dan Sekolah Melayu Bendahara Sakam, Bunut.

Pada tahun lepas hanya 22 pasokan sahaja mengambil bahagian dalam perlawan tersebut termasuk empat pasokan murid2 perempuan.

Empat pasokan baharu dalam pertandingan tahun ini terdiri dari pasokan2 murid2 perempuan dari sekolah RIF dan Gadong dan pasokan murid2 laki2 dari SMJA dan sekolah baharu Sekolah Melayu Katimahar, Batu 13 Jalan Tutong.

Perlawan2 ada-lah di-bahagi kepada dua bahagian ia-itu bahagian murid2 laki2 dan bahagian murid2 perempuan.

Buku panduan untuk pemain

BANDAR BRUNEI. — Sabuah buku panduan kapada pemain2 dan referee bola sepak telah di-pesan oleh Pejabat Pendidikan Brunei untuk di-chetak dalam bahasa Melayu.

Chetak itu ia-lah dengan kebenaran Persatuan Bola Sepak, Britain.

Pertandingan badminton antara sekolah2

BANDAR BRUNEI. — Satu pertandingan badminton antara sekolah2 di-seluruh Negeri Brunei akan di-adakan tidak berapa lama lagi.

Pertandingan itu akan di-adakan menurut dasar pertandingan badminton sadumia, mengandungi 5 perlawan sa-saorang dan 2 perlawan dua orang.

Berhubung dengan pertandingan tersebut, Tuan Wong Kah Long dan Tuan Wong Kah Chye, dua orang saudagar2 yang terkenal di-sini, telah pun menghadiahkan sa-buah piala perak untuk di-pertandingan diantara sekolah2 tersebut.

Piala itu akan di-namai "Wong Trophy".

Lomba lari 1760 ela berganti2: 1. Borneo Utara 2. Sarawak.

Bahagian perempuan

Lomba lari lompat pagar 80 meter: 1. Emily Mathews (Borneo Utara) 2. Rosalind Anding (Sarawak) 13.2 saat — rekod baharu. Lomba lari 100 ela: 1. Lau Suan Lin (Sarawak) 2. Chen Li Na (Sarawak).

Lomba lari 220 ela: 1. Lau Suan Lin (Sarawak) 2. Elizabeth Yong. Lompat jauh: 1. Chen Li Na (Sarawak) 2. Fung Soon San (Borneo Utara).

Lompat tinggi: 1. Elizabeth Lim (Borneo Utara) 2. Fung Soon San (Borneo Utara). 4 kaki 10 inci. Rekod baharu. Membalung peluru: 1. Fung Soon San (Borneo Utara) 2. Innie Sibidol (Brunei) 28 kaki 6½ inci. Rekod baharu.

Membalung piring besi: 1. Innie Sibidol (Brunei). 2. Chia Fui Yun (Borneo Utara) 92 kaki 7 inci. Rekod baharu. Membalung lembing: 1. Chiew Kwan Mei (Brunei) 2. Fung Soon San (Borneo Utara). Lomba lari berganti2 440 ela: 1. Borneo Utara. Sarawak di-kira kalah kerana melanggar peraturan. Brunei tidak mengambil bahagian.

Perikatan lancharkan gerakan memberseh

PULAU PINANG. — Tengku Abdul Rahman, ketua Parti Perikatan yang berkuasa di-Persekutuan Tanah Melayu telah berkata di-sini baharu2 ini bahawa parti-nya telah melancharkan satu gerakan membersehkan berikut dengan tuduhan2 yang di-buat oleh parti2 pembangkang di-kampung2.

Beliau berkata bahawa Parti Perikatan akan melantek beberapa orang pegawai di-tiap2 kawasan pilihan raya Persekutuan.

Pegawai2 itu-pula akan melantek pekerja2 untuk mengunjungi tiap2 rumah dalam kampung. Tugas mereka ia-lah bertanya kepada orang2 kampung apa-kah yang telah di-katakan oleh pehak pembangkang dan lepas itu memberi penerangan yang sa-benarnya.

Tengku Abdul Rahman telah juga berkata bahawa dalam menjalankan gerakan pilihan raya beliau telah mendapat bahawa Parti Islam Sa-Malaya telah menggunakan ugama kerana menaikkan semangat dan perasaan orang2 Melayu.

Wakil2 parti Islam Sa-Malaya itu, kata beliau telah mengunjungi kampung2 menyebarkan tuduhan2 palsu.

Mereka itu telah menuduh bahawa Tengku telah menjual ne-



Binatang jenis monyet yang dikatakan hanya di-dapati di-Pulau Borneo sahaja itu di-namakan "Bangkatan" oleh orang2 Brunei.

Bangkatan selalu di-jumpai ber-kawan2 di-tepi2 sungai. Kadang2 di-jumpai hingga berbelas2 ekor berlompatan2 di atas pokok2 bau-ku pada musim buah.

Bangkatan berbeda dengan monyet kerana warna bulu-nya ke-kuningan berbelang putih pada dada-nya. Hidong bangkatan pe-chet terjuntai. Badan-nya besar dari monyet biasa dan kalau chukup besar hampir sa-besar orang.

Bangkatan di-atas ini telah mati di-tembak apabila di-jumpai men-churi buah2an di-kampung Mabu-hai di-tepi se-batang sungai di-Bandar Brunei baharu2 ini.

Berat-nya kira2 80 paun.

geri kepada orang2 China dan beliau mencuba hendak merun-tohkan ugama Islam.

PERATORAN2 IMIGRESEN MALAYA

BANDAR BRUNEI. — Undang2 Imigresen baharu yang te-lah di-luluskan oleh Kerajaan Negara Singapura dan Persekutuan Tanah Melayu menyenggong orang2 dari negeri2 tersebut yang pada masa ini tinggal di-negeri ini.

Sa-bahagian daripada mereka itu telah hilang hak mereka masok balek ka-negeri2 tersebut, terutama-nya orang2 yang bukan warga negara yang dahulu-nya di-benarkan masok ka-negeri2 itu dengan bershatar.

Bagi menjelaskan kedudukan orang2 yang demikian dan menentukan sama ada mereka itu akan di-benarkan masok balek ka-Singapura, mereka itu hen-dak-lah bertanya dengan segera kepada Pejabat Imigresen, Bandar Brunei atau Kuala Belait atau berhubung terus dengan Pejabat Imigresen, Singapura atau Persekutuan Tanah Melayu di-Kuala Lumpur.

Perhubungan itu hendak-lah di-buat sa-belum 31 December tahun ini.

BAYARAN ELECTRIC DI-BRUNEI MURAH DARI NEGERI2 LAIN

(Dari muka 3)

dari generator2 yang kecil, tetapi apabila unattended power station itu di-dirikan, generator2 kecil yang ada di-situ pada masa ini akan di-gunakan juga sama ada di-pasang di-kampung atau bandar lain atau di-simpan di-situ sa-bagai tambahan kapada unattended power station itu.

Sa-buah unattended power station lagi mungkin di-dirikan di-Muara untuk memberi bekalan electric kapada penduduk kampong nelayan di-kawasan Muara.

Sunggoh pun attended power station itu tidak memerlukan tenaga manusia pada menyelenggarakan sa-tiap hari, ia ada-lah lebih memuaskan dari generator2 kecil yang di-pakai di-bandar2 kecil.

Kelebihan memakai unattended power station itu ia-lah perbelanjaan-nya kurang di-sebabkan oleh tiada orang yang menjaga-nya kechualui pada masa2 yang di-tentukan.

Rombongan haji tiba minggu ini

BANDAR BRUNEI.—Saudara2 jemaah haji yang akan sampai dengan kapal pelayaran ketiga dari Judah dalam minggu hadapan akan di-benarkan menyambut haji2 baharu itu di-Labuan.

Mereka itu akan di-bawa dengan kapal2 kerajaan dari Brunei dengan sharat mereka hen-dak-lah terlebih dahulu mendaftarkan nama dengan pejabat Ugama di-sini.

Hanya sa-orang saudara saha-ja bagi sa-orang haji akan di-benarkan menumpang kapal kerajaan. Ini ada-lah di-sebabkan oleh kekurangan kapal2 kerajaan.

Sa-ramai 55 orang haji baharu di-jangka akan sampai dengan pelayaran ketiga dari Judah itu.

Piala lumba motokar

BANDAR BRUNEI. — Sa-buah piala untuk di-rebutkan dalam pertandingan lumba motokar anjoran Brunei State Motor Club akan di-hadiahkan oleh Duli Yang Maha Mulia.

Perlumbaan itu akan di-adakan pada 9 August di-lapangan terbang Berakas dan terbuka kepada ahli2 club tersebut.

Piala Duli Yang Maha Mulia itu ia-lah kerana masa yang de-ras sa-kali di-dapati oleh sa-ba-rang kreta dalam perlumbaan.

Sa-buah piala kerana driver yang chekap sa-kali antara peserta2 perempuan akan di-hadiahkan oleh British Resident, Yang Berhormat Tuan D.C. White.

Dan lagi unattended power station itu akan memberi bekalan electric sa-panjang masa ia akan di-lawati oleh juruter2 pejabat electric pada masa2 yang di-tentukan untuk mengawasi perjalanan-nya.

Harga tenaga electric yang di-bekalkan ka-rumah2 di-Brunei ada-lah yang murah sa-kali di-tenggara Asia ini kechualui Singapura.

Bayaran kerana lampu ia-lah 25 sen sa-unit dan kerana kegunaan2 lain yang berkehendakkan tenaga yang lebih banyak bayar-nya hanya 8 sen sa-unit.

Bekalan electric di-Kuala Belait dan Seria ada-lah di-salorkan dari pusat electric sharikat Brunei Shell Petroleum Company di-Seria.

Kerajaan memborong tenaga electric dari sharikat itu dan di-salorkan ka-rumah di-bawah ja-gaan kerajaan dan pejabat Mu-nicipal di-kedua buah bandar tersebut.

PEKERJA2 DESEK RUNDINGAN GAJI

SINGAPURA. — Kesatuan pekerja2 kerajaan di-sini telah mendesak pemerintah supaya mengadakan satu perundingan berkenaan dengan pemotongan allowance baharu2 ini.

Ini ada-lah langkah dalam perundingan antara kesatuan2 pekerja dengan Kerajaan Parti Tindakan Rā'ayat.

Kerajaan telah memotong allo-wance2 kaki tangan kerajaan yang kanan itu sa-bagai satu la-ngkah-hendak mengurangkan perbelanjaan negeri.

Apabila beberapa kesatuan pekerja mengambil keputusan hen-dak mengadakan "Majlis tindakan bersama" kerana mengada-kan bantahan, kerajaan pun me-nggantong kerja Tuan F.V. Ra-jendra, pengurus Majlis tindakan bersama dan juga pengurus Persatuan Kesatuan2 Pekerja2 Kerajaan.

Baharu2 ini 18 dari 19 kesatuan yang bergabung dengan majlis itu telah memberi sokongan kapada Tuan Rajendra untuk mendesak Kerajaan supaya mengadakan perundingan menerusi satu badan orang tengah.

KAWALAN SEMPADAN

JAKARTA. — Sharikat berita Aantara berkata di-sini baharu2 ini bahawa sa-ubah pejabat imi-gresen akan di-dirikan di-Tara-an, Kalimantan supaya dapat di-kawal orang2 yang melintasi sa-chara haram sempadan Indo-nesia Borneo British.

Tarakan terletak 60 batu dalam kawasan Indonesia dari sempadan Borneo British.

Semenjak pemberontakan ber-laku di-Indonesia dalam tahun lepas, pegawai2 kerajaan telah menyatakan keimbangan mere-ka bahawa gerakan orang2 yang lalu lalang di-antara Borneo Bri-tish dengan kawasan Indonesia ti-dak terkawal.

Orang2 itu keluar kerana ber-niaga di-Borneo British yang mempunyai dasar "perniagaan bebas" itu.

Russia bantu Indonesia

JAKARTA. — Sharikat berita Antara berkata di-sini bahawa Russia telah meminjamkan Indo-nesia \$US 12,500 untuk membe-na-sa-buah stadium kerana su-kan Asia tahun 1962.

Sharikat itu berkata lagi bahawa Russia telah juga meminjamkan \$5,000,000 kapada Indonesia kerana mendirikan sa-buah mak-tab teknologi di-Ambun.